



古

服

162

FAVOLE

Morali

SCRITTE

IN TERZA RIMA PIEMONTESE

da Messer

EDOARDO CALVO


CON AGGETTIV.



TORINO

PRESSO GIOVANNI BATTISTA BINELLI

Libraio in via dei Gardinfanti.



INTRODUZIONE

La favola è un frutto di tutti i tempi, e di tutte le Nazioni.

Di fatto dopo un tempo immemorabile gli Asiatici vantano e conservano le favole di Lochman, chiamato da essi per ragion di queste il Savio; gli apologi di Bidpay antico bracmano, dimostrano quanto remota sia l'origine della favola, già conosciuta però dopo tanti secoli dalla più antica e popolosa nazione del mondo, come pure dagli Egizii, i quali solevano parlare con delle immagini, delle allegorie, e con parabole. La metempsicosi ancora, persuadendo che le anime umane passassero poscia ne' corpi degli animali, in molti dei quali si vuol supporre un linguaggio, lasciò credere che essi potessero esprimere, parlando, le loro idee; e quindi i poeti si permisero di far questi liberamente parlare, servendosi di tal finzione, per introdurre in iscena la morale a confronto coi vizii, e mostrare a mano salva, e meno aspra la verità.

Così Esopo in Grecia (quantunque schiavo) creò, e rese pubbliche le sue favole; presso i Romani, e sotto il regno stesso di Tiberio, Fedro scrisse le sue favole: e dopo lui Aphthonius, Avienus, Gabrias seguirono tal norma, come pure Faernes, Abstenius, Camerarius verso la fine del 16.^o secolo. Cento anni dopo comparve in Francia Hegemon, e sotto al difficil regno degli ultimi Luigi, La-Fontaine, Marmontel, Voltaire, La-Motte e Dorat scrissero le loro favole.

In Italia pure il Passeroni, il Roberti, il Pignotti, il Sacchetti si distinsero in tale corriera, come pure Gay in Inghilterra, Yriart in Ispagna, Gellert in Sassonia, Lessing, Gleim, Lichtwehr, Pfefel, Haggedorn in Alemagna.

La favola adunque è un frutto di tutti i tempi, e di tutte le Nazioni..... nè devo sorprendere, se in Piemonte, e in questi tempi ancora, trovisi alcuno, il quale colle deboli sue forze, tenti seguire il padre Esopo.

Io adunque chiamato al sollievo de' miseri in questo Santuario de' sospiri; e cinto sempre dall'immagine del dolore e della morte; non sia meraviglia, se per solazzarmi un poco intraprenda a scrivere favolette,

Carminibus quaerens miserarum obliviam rerum.

E. CALVO.

FAVOLE MORALI

DI

EDOARDO CALVO.

REV. J. H. B. B. B.

REV. J. H. B. B. B.



FAVOLA I.

L'INTENDENT E 'L POUI.

Vers l'an dla creassion mila e trzent,
Cioè dnans dël diluvi, j'animai
L'avio la parola, e 'l sentiment;
Anssi j'è chi pretend ch'al *Paraguai*,
Ant 'l *Mississipi* ancora adess
Le bestie e j'abitant a parlo uguai:
Così souta coul clima a l'è permess
Ai givø, ai prpojin, ai can, ai gat,
D'risponde biff e baff al Re istess:
E mi ant un manuscrit rusià dai rat,
I l'hai trovà na nià dë sti racont,
Ch'a son tuti datà dal sent e quat.

Fra j'aitri ai n'era un lepid pr l'appont
 Tra un Pouj; e n'Intendent, ch'era Comess
 D' Xersse, 'l qual regnava sl'Ellespont.
 Sto si l'era un fachin costrutt espress
 Pr stè con la canaja sui canton
 A ramassè i stivai, vende se stess;
 Ma pur la bona grazia d'so patron
 L'ha fane un Intendent li su doui pè,
 Con spa, pruca, e vistì caria d'galon.
 Senza conosse l'ombra d'so mestè,
 Savend appena scrive e fè so nom,
 L'è stait an dontrè di brav finanssiè;
 Scortiaa tant i rich, com i povr'om,
 Creava a ogni stagion di neuvi tass,
 Trattava coul pajis Nosgnour sa com.
 Vestiendsse un di, s'è vist coure su un brass
 Un Pouj..... mes au rian: E ti, birbant,
 (Ai dis) sui me galon t'na vas a spass?
 E credestu ch'i sia un mendicant,
 Un gheu, un om dla plebe, un disgrassia,
 Un scianca fanga, un pover, un furfant?
 A l'è coula gent li, ch' son condanà
 A esse rusia viv dai verm, dai pouj,
 Ma nen un òm ch'a l'ha l'or la palà!
 Che gran distanssa j'elo peul tra noui
 (L'autr ai rispond), savive forsi nen
 Ch' j'ouma l'istess impiegh e mi e voui?
 La diferenssa a l'è tra 'l pi e 'l men:
 Dl rest noui i vivouma e l'un e l'aut
 Dl sang dla povra gent e dl so ben;

E com ant la natura un mangia l'auta
 L'aragn mangia la mosca , e peu i stronei
 Ciapo l'aragn , e peu 'l farchett pi aut
 Grimpa quand a j'arriva j'aitri osei ,
 Fin tant ch'l struss , o l'aquila , o 'l milan
 Divoro peu 'l farchett da bon fratei ;
 Così l'è pi che giust , che un. Pouj pian pian
 A rusia pr drit publich n'Intendent ,
 'L qual l'ha già rusià 'l gener uman.
 Oltre d' loli , noui doui souma parent ;
 E mi , se i l'hai da dive la vrità ,
 I son vostra progenie an discendent ;
 Mi son fait da na Lendna mac jer dla ,
 La qual a l'è peui sia d' coule tai
 Ch' j'avie ant i cavei quindes di fa.
 Dit lo 'l Pouj vola via , e l'aut sonai
 A resta tut brodà con tanto d' nas ,
 Sentiend che 'l Pouj e chiel a l'ero uguai ,
 E fait dl'istessa pasta e dl'istess vas.



FAVOLA II.

LE SANSSUE E 'L BORGNO.

A l'era ant la stagion che 'l Sol bujent
 A brusa la sicoria e i barbabouch,
 E tuti a scapo a l'ombra e serco 'l vent;
 Un pover Borgno vej e patalouch,
 Noujà dal gran calor e tormentà
 Dal mosche e dai tavan, tut a tatouch
 Andava apress disnè darè d' soa ca,
 Dov' j'era na bialera e un sit ombrous,
 E là s' strojassava e piava d' fià;
 E bin che chiel a fussa timorous,
 Savend d'esse sicur, d' nen esse vdù,
 A piava soens di bagn bin delissious.
 Un dì fra j'aitri, essend là patanù,
 Ass sent morde le gambe, e dè d' pssion
 Pi fort d'lo ch'a l'aveissa mai sentù.
 Cos'è so? chielo ch' mord?..... Tut a taston,
 Treuva ch'a son d' baboje an forma d' pess,
 Ch'a dvento curte e lunghe a l'occasion;

Quantunque a l'abbio faje un po d' ribress ,
 Ai dis..... Soure baboje, lasse stè ,
 Vouli rusieme viv sì bele adess ?
 Una Sanssua ai rispond : lassene fè ;
 Noi i tirouma nen che 'l sang già guast ,
 Pr tan ch'i deurve j'oeui , peusse sciairè ;
 Noi aitre i conossouma dall'anast
 Dov'a j'è d' sang cattiv, e nostr'istint
 A l'è d' sagnè la gent com i poulast.
 'L Borgno sentiend lo l'è sta convint ,
 E subit ai rispond ; Sa l'è così ,
 Soure baboje , ij prego a deje drint ;
 Ch'a ciucio pura tan ch'ai fa piasì ,
 Basta con lo mi peussa deurvi j'oeui ,
 E vède ancour na vota 'l sol d' mesdì.
 Dl rest i m' raccomando , prechè peui
 A l'abbio discreSSION an sul riflèss,
 Che i son un om d'età , pare d' set fieui.
 Ste Boje ch'ero veuide già da un pess
 (E tanto pi ch'a vnio da lontan) ,
 A son virassie antorn senssa ribress ;
 A l'han ciucià sto Borgno fin a tan
 Ch'a comenssava già tni 'l col pr stort ,
 E ch'a argrignava 'l gambe, e i di dle man.
 Allora 'l pover Borgno tut smort
 Ai dis : Pr carità ciuciè papì ,
 Lassè ch'i pia d' fià , son quasi mort ;
 I m'avì lusingà d' feme guarì ,
 D' rendme la vista, e 'lveme 'l sang cativ ;
 Ma voi lo tire tut fin ch'ai n'è pi :

Aveime compassion, lasseme viv :

Possibil chi sie peui tant afamà,

Chi venje vèdme d' pianta a l'ablativ !

I l'era dai tavan perseguità ,

Le mosche am tormentavo e 'lvavo d' peis ,

Ma pur tant a l'avio un po d' pietà !

Voi aitre i se tacante com l'apeis ,

I rusie tant 'l maire com 'l grass :

Mangerie 'l bin d' sett Gesie an dontre meis.

Così parlava 'l Borgno ant coul paciass ;

Ma j'aitre fasend finta d' nen senti

Lo seguito a ciucè senssa ambarass.

A l'era verament li pr muri :

E j'aitre a seguitavo..... a segno tal ,

Ch'appena l'ha avù d' fià pr podei di :

Pietà, soure baboje, ch'am ven mal ;

Ch'am erdo , chi son mort , i son dstiss ,

L'ai pi nen d' sang da empì mes un bocai.

Di fatti a s'è argrignasse com n'ariss ,

A l'è restà convuls, e strepitand

A j'ha schissaje mese ant coul mojiss.

Sta favola chi lese an sghignassand ,

Veul di ch' venta guardesse da coui tai ,

Ch'a vivo pr 'l mond an criassand

Balsamo e sparadrap pr tuti i mai.

FAVOLA III.

PLATON E I PITO.

Nojà dal sempre vive an caponera ,
 Da stè sarà ant 'l giouch, e d'esse mna
 A spass con un bachet da na vachera ,
 I Pito ch'ant l'onour a son dlicà ,
 E ch'a son nen bagian com 'l mond penssa ,
 Contra d'j polajè l'han congiurà ,
 Decis d'ricuperè l'indipendenssa ,
 E d'vive an comunion com j'aitri osei ,
 Ch'a mangio ant 'l granè dla providenssa.
 Pr lo tut ant un nen, veri fratei ,
 Fasend i so complot da nascondion ,
 A son levasse an massa da ribei :
 E l'han spedi sul camp na commission ,
 La qual , second la norma ch'a j'han daje ,
 Dovcis portesse subit da Platon ,
 Pregandlo ch'a l'aveis un po agiutaje
 A fesse na republica deo lour ,
 Da già ch' loli per chiel ero d' friaje.

Van da Platon , e là cousti oratour
 Slongand so pouret rouss con j'ale basse
 A pio la parola con calour,
 Disend : Salve, Platon..... souma portasse
 Noi aïtri sì da voi , tuit deputà
 Dai Pito , ch' finalment son solevasse ,
 Prchè ch'a veulo vive an libertà,
 Parei dle grue , di tourd , dle anie sarvaje ,
 Di cornajas , dle passre e dle pondrà ;
 J'ebreo e i polajè j'han obligaje ,
 A forssa d' crudeltà , forssa d' patele
 (Avendne scanà tanti e peui rusiaie)
 A dè peui finalment an ciampanele ,
 A ribellesse tuti e gros e peit ,
 Prtan salvè soa pel da ste gabele ;
 Onde i vorouma un codice pr scrit ,
 Dont ai sio notà precise e ciaire
 Le legi , 'l pat social , e i nostri drit ;
 Pr lo voi , gran Platon , se pur i paire ,
 I deve nen neghene sto favour,
 'L qual a cousta a voi poc o pavaire ;
 Voi fè loli an riand , nufiand na fiour :
 Voi na costituzion la fè sout gamba ,
 Mentre a coustria a n'aut pene e sudour ;
 Se pur nostra domanda a l'è nen stramba ,
 Formene na republica au manera ,
 Ch'a senta 'l democrat , o ch'a s' j'aramba.
 Groupandse i baroulè con na zartiera
 Platon senza gardeje..... O che mincion ,
 (Ai dis) soussi pr voi l'è na chimera :

Ai veul pr ariussì lo di talenton ,
 Ai va di finanssiè , di generai ,
 D' ministr, di comissari , e nen d' coujon.
 Se i veule me proget mi v'lo darai :
 Ma pr l'esecussion , e pr capilo
 I manche d' coule teste originai.
 Seusè , mssè Platon : ognun peul dilo ,
 S' la nostra rassa l'è bona , e s'a riussiss ,
 Anssi i tre quart dl mond peulo sostnilo.
 Noi ait j'avouma d' Pito ch'a stupiss
 A vède quant savej l'han ant la gnuca ,
 Quanta robassa a l'han ant 'l cupiss !
 A son d'originai tuti da pruca ,
 Tajà pr esse intendent , esse minist ,
 E lo chi v'conto sì l'è nen na cuca.
 Guardè.... senssa studiè , senssa avei vist
 Gnun leu , mac sul teatro le bataje ,
 A dvento generai , e fan i trist ;
 Mostrand 'l mondo novo a le maraje
 Amprendo a regolè j'affè d' stat ,
 E buto 'l drit dle gent con le batiaje.
 Lesend Bertoldo a dvento diplomat :
 Lesend Guerin Meschin , minist d' finanssa ;
 Fasend 'l saccagnin dvento avocat.
 Anfin podoumo dilo con baldanssa ,
 Ch'an tuta sort d'impiegh pi luminos ,
 I Pito han conservà la maggioranssa.
 Platon sentiend loli , tut pensierous ,
 Ai dis : Mia cara gent , vad a occupeme
 A compileve un Codice pressious :

Intant i peule andevne e nen seecheme ,

Portè la neuva ai ait , dije così ,

Ch'a l'abbio la passienssa d'aspeteme.

Così l'han fait , e tuti a son parti ;

Intant un messagè ven avertije

Che 'l Codice l'è fait e l'è finì.

I Pito a sauto d'goi , e s' buto a rije

Criand tuti d'accord : Presto , dov'elo ?

Lese j'articol fort , venta sentije !

A s' buto tuti ansem a scrutinelo ,

E peui esaminand a l'han trovà ,

Che lor savio un foudre com dovrelo.

Sta favola veul di' , ch'a venta pa

Cariesse pi d'fagot ch'un peul portene ;

E pr fè 'l cont dla speisa ant nostra ca

A venta ciamè gnun ch' vena agiutene.



FAVOLA IV.

I SCALAVRON E J'AVIJE.

Na nià d' Moscon scapà dant un fornèl
 A forssa d' scopas e d' abuton
 Intra ant un buss d' Avije pien d' amel.
 Ste si l' han avù pour d' coui barbison
 Dl mouro piat , dl vèsti seur, di stivai lust,
 E son stèrmasse tute ant i canton.
 J'aitri trovand l'amel ch'avia bon gust ,
 Trovand j'Avije divise an doui partì ,
 Son fasse lor padron com a l'è d' giust ;
 J'è sta pignun mojen d' feje surtì :
 L'ero crudei e dur com d' scalin ,
 E a forssa d' ujonà s' fasivo ubdì.
 Vedendse a la miseria , na matin
 J'Avije pi decise a fan consei ,
 D'andè trouvè l'Argina ant so cambrin
 Pr vède qual partì saria sta 'l mei
 Pr dè la pala al eul a sti tavan ,
 Ch'j'avivo già rusià mes i coutei. *

* *Gli alscari.*

'L vout preponderant dl gran divan ,
 L'è stait d' spedi prest n'ambassadeur ,
 Ch'andeissa vers la val dl Rabadan ,

Dov' j'era su la sima d'una tour
 Una tribù famosa d' Galavron ,
 Ch' fasìa mac la guera pr l'onour ;
 E là ch'a j'esponeiss la situassion
 Dle soe finansse povre e dl so buss ,
 E la rapacità di brut moscon.

Disendie : Se ant vost coeur ancor ai fuss
 Un po d' misericordia, e un po d' pietà
 Pr tante povre Avije ch' son ai uss ,
 Adess l'è temp d'usela , e d'avni là
 Con na legion antrega d' tiralieur
 Tuti caussà , visti , e ben armà.

'L cap di Galavron *Zin-zon-val-fleur*
 (Ai dis) : Ambassadeur , crussieve d' nen ,
 Noi souma penetrà d' vostri maleur ;
 Risponde a vostra Argina ch' son an tren
 Tuti i me bravi , e voi an dontrè di
 I rivedrè l'aurora e 'l ciel seren.

Noi i vnirouma espress pr custodi
 Vostr'amel , vostra sira , e vostre ca :
 Cioè pr libereve e niente d' pi.

'Eroe Galavron, dunque a sarà
 (L'autr ai ripet) da coui bruti barbis
 Netià la ca d' j'Avije e liberà ?

Ah ! voi i sarè sempre nostr' amis ;
 Noi i farouma an sira un monument ,
 Tribut d' riconossenssa a vost pajis !

Dit lo soupata j'ale e part content ,
 Porta la neuva ai aitre , e a l'indoman
 Sento sonè le trombe vers ponent.
 L'armada arriva li tambour batan :
 As vëdo contra 'l sol-tuti a lusi
 J'abitatour dla val di Rabadan.
 Taco bataja, e li i Moscon ardì ,
 Apress esse difeis con gran calour ,
 A son restà dësfait e sbalourdì ;
 Ma appena i Galavron son vincitour ,
 A son butasse lour a comandè ,
 E j'han robaic 'l rest ch'avio ancour.
 J'Avije disperà s' buto a piourè ,
 Disend : Oh iniquità ! elo così
 Chi l'havì promettune d' tratè ?
 Zin-zon a l'ha promess d' mandeve sù
 Pr avnine a liberè , dene bras fort ,
 Ma nen pr saccheggiane i nostri ni.
 E voi pr la rason chi se' pi fort ,
 J'avì scassà i tavan pr piene 'l rest :
 Oh com l'è deplorabil nostra sort !
 Giovnot , i parlo a voi con sto pretest ;
 Sta si l'è mac na favola , l'è vei :
 Ma pur a l'è un esempi manifest ,
 Ch'arriva tuti i dì fin tra fratei.

FAVOLA V.

LA PASSRA SOLITARIA E LA BERTA.

Na Berta ch'a scapava dal pajis ,
 Distruta dala fam , dala vermina
 A l'era capità dssa dl Monsnis ;
 Virand pr la pianura sta sgualdrina ,
 E svolassand pr là vers dl Sangon ,
 A s'era ritirà ant una boschina ,
 E là cantand al solit soa canson ,
 Fasend di sgari rauch , mila smorfiasse ,
 Mostrand 'l cul , cercava a desse d' ton.
 A s'era con ste ghemme caparasse
 I merlo , i torsacoi , j'orieui e i gai ,
 E tuti d' sta pest son 'namorasse.

Sercavo l'un pr l'autr d' feje d' regai,
 E chila a j'antascava le grumele,
 Fasend ancor le smorfie a sti sonai:
 Disendie ch' l'ero goffe soe fumele,
 Ch'a l'ero bone a nen, l'avio gnun deuit,
 Ch'a smiavo pr cantè tante crivele.
 Sti povri torsacoi ch'a l'ero cheuit,
 Sentiend couste rason, tuti pien d'ira
 Ai guardavo pi nen nè di, nè neuit.
 Le cose a l'ero vnue a costa mira,
 E ste povre fumele dësgrassià
 Fondio an piorassand parei dla sira.
 Distruta dal sagrin e soffocà
 Forssa d' sangiuiss na Passra solitaria
 A l'ha cercà d' còmmeuve soa metà,
 Butandse na matin a cantè n'aria
 Piena d' cadeusse e d' son tan melodious,
 Ch'avrio commoss na tigre sanguinaria;
 Disendie con un ton e con na vous
 Piena d'amour..... E voi vouli chiteme?
 E voi veule pi nen esse me spous?
 Che ombra d' mancament peule imputeme?
 Nen aut prechè chi v'hai amave trop,
 E pr loli voi veule abandoneme!
 Disendie lo, lo ved ch'andava sop,
 E ch'a poudia pi nen sautè sle rame,
 Prechè tuti i branchett j'ero d'intop.
 La Passera ai soggiuns.... Cos' m'ave fame?
 Dimlo, feme 'l piasi, parleme cclair?
 Oh si t'saveisse (ai dis) lo ch' m'è rivame!

La Berta a m'ha sedout e mname al sgair :
 A m'ha tacame 'l mal dla caussinera ,
 E peui apress d' loli m'a fait fè cialr !
 Possibil (chila ai dis) ch' loli sia vera ?
 Che trop (l'autr ai rispond), e tuti j'ait
 A son tuti tratà d' stà manera !
 'L Torsacol l'è tisich , e l'è andait ;
 'L Merlo a s'è ciapasse un porta coa :
 L'Oricul l'ha 'l prè ch'ai dagna e mes desfait.
 'L Gai a l'ha deo chiel trapà la soa ;
 E mi , cara mojer , s'a va così ,
 Miraco se i poudrai pi fè la roa !
 Amprende voi , giovnot , e guardè li
 Casa as guadagna a coure après dle berte
 Ch'a veno da lontan.... Scouteme mi ,
 Lasseje ai cornajas , a le laserte.

FAVOLA VI.

'L CAN E L'OSS.

Pr là sle rive d' Doira drint an foss,
 Soutrà tut ant la nita, e mes rusià
 Un Can passavolant l'ha trovà n'oss,
 Ch'era l'avans d'un Tor desfortunà,
 'L qual robust e grass, e su so bon,
 Tacà dal mal dle bestie era crepà.
 Vedend coula pitanssa an abandon,
 Sto Can ch'era un eroe pr l'aptit,
 A s'è virassie antorn a sganasson;
 Fasia di strangojon tut aut che peit:
 Tacava con le grinfe e con i dent;
 Quand l'Oss tut despoltà, tut derelit
 Comenssa a fè un sospir, peui un lament,
 Disend: Ferma, crudel Can affamà,
 N'astu nen prou, sestu ancor nen content?
 Guarda ch'i son un Oss scarnificà:
 To frei l'han già mangià le polpe e 'l coeur:
 I resto sì mi sol tut desolà!
 Ch'a t'fassa compassion sto me maleur,
 Pensa chi j'era un Tor desiderà
 Dai vsin ch'ero invidious dl me boneur.
 A l'è già da tant temp ch'i son cougià

Drint a sta tampa, e gnun am dà rinforss,
 Anssi dai me pi car son scarpisà;
 I peus pi nè criè, nè fè gnun sforss;
 I m' treuvo si distrut, e pr mia sort
 Espost a esse rusià da can e porss!
 Scouta, ai rispond 'l Can.... I t'has gran tort
 A tnime sto discours: e sastu nen,
 Che tal è sèmpre sta 'l drit dl pi fort?
 Le cose andaran sèmpre su sto tren,
 Prehè Natura a veul, che j'animai
 Pi gros mangio i pi peit; ma bada ben,
 Che i gros antra lour aïtri a s' mangio mai;
 E venta che i cardlin, com a l'è d' giust,
 A servo pr pitanza ai Papagai.
 Dl rest prehè conteme i to dèsgust:
 Mi scouto nen loli quand i'hai aptit;
 E peui sti nom d' pietà son nom già frust.
 It deve esse content d' lo chi t'hait dît:
 Se it veule piourè, pioura, am na fa poch:
 Mi i seguito a rusiele, e tiro drit.
 Così l'ha fait; ma pr maleur un toch
 Dl'oss ch'a rusiava ai resta ant 'l gariot,
 Piantà ant la garsamela com un stoch.
 Soussi v' serva d'esempi a voi, gioynot,
 Pr mai bravè la gent dèsfortunà,
 Nè mai tratè j'opress da Ottenot;
 Crèdme, che tante cose già soutra
 Arsuscito quaich vota, e pio 'l vol,
 E tante ch'un je cred già tracanà,
 A peulo peui restene un di ant 'l col!

FAVOLA VII.

LE PECORE E I PASTOUR.

A j'era sna montagna un bon Pastour,
 'L qual avia rimess tute 'see Feje
 Ant j'unge d'un birbant so servitour ;
 Stossì non pa d'nutrije e d'pastureje.
 A l'era neuit e di tavota an tren
 A picje 'l lait, e 'l bur, e tosoneje.
 Un di li vist e pris, senssa di nen,
 Mentre i mouton, 'l troup l'era ant la stala,
 Tut sol, zichin-zichet, 'l padron ven.
 Le pecore dla goi ai sauto an spala,
 Selamand tute d'acord.... Ah seve sì !
 E chiel a j'ha rispost : E bin com vala ?
 Va mal, com a peul nen andelo d'pi,
 I souma si ridotte alle bsognëtte
 Senza podei criè, fesse senti ;

A j'è coul vost garsson, pr vagnè d' psëtte ,
 Ch'an buta tute quante ai isiboè,
 Gavandne , se a podeiss , fin le grassëtte.
 Disend loli , j'arriva sto grivouè ,
 E l'autr s' j'è vira antourn , e ai dis: Com ela?
 Cos elo sto trafili , sur Fransouè ?
 Sapia , chi n'hai già piena la scudela !
 E 'l lait , le tome grasse , 'l bur , j'agnei ,
 La lana ch' t'has robà..... porco , dov'ela ?
 Scoutè , me car padron , venta savei ,
 Che si tutt a l'intorn pr stè boscaje
 I luv a son pi spess quasi ch' j'ousei ;
 E i duè ch' j'hai guadagnà , j'hai impiegaje
 A feje dè la cassa dai peisan ;
 E voi peule pensè ch' j'abia robaje ?
 Na pecora ai rispond..... Oh che bagian !
 Prchè scortiene tan per dè la cassa
 Ai luv , ch' j'ouma nen vist nè noi nè i can?
 Pr coula li , me car , a l'è trop grassa :
 L'è na rason tacà mac con dè spuv ,
 L'è voi chi sè farsive la pansassa ;
 L'è voi ch' n'avì rusià , son nen i luv !

Pietro...

FAVOLA VIII.

LA SPA E LA LUMASSA RABLOIRA. XVI

Ant un d' coui castei frust ch'a sta le masche ,
 Famous ant i so temp pr soe gran tour ,
 Sgarblà, tut mes distrut, cuvert d' frasche ,
 Pr là ant na caverna a j'era ancour

Soutrà 'n mes al rotam , a la rumenta ,
 La spa ch'un di portava coul gran sgnour ;
 A l'era mancomal tuta rusnenta ,

Ma tant an mes al ruso , un sert barlum
 Mostrava ancor l'origine lusenta .

Rablandse , com a l'è ant 'l so costum ,
 Slungand i corn, na Lumassa rabloira "
 A j'è montaje adoss caria d' bavum .

La Spa s' buta a criè..... Son pa na mssoira ,
 Am pijsto pr na ressia o pr un fausset,
 Pr n'appia , pr na ranza , o ua tisoira ?

Sapia che mi , ant 'l secol d' Bajaset ,
 Ai temp dël re Arduin e d' Carlo Magno ,
 Tajava i Paladin com d' ravanet !

E adess (l'autra ai rispond) mi t' scareagno ;
 S'i veui mi it pisso adoss , e con i corn ,
 S' mi m' bateis con ti , tant it guadagno .

Sta Faula a dev gaveje 'l capëstorn
 A coui ch'a vivo mac pr'ampisse d' boria ;
 Butè na pugnà d' paia drint an forn ,
 A fa l'istess effett la nostra gloria .

FAVOLA IX.

LA CIOUSS E LE POULE.

Venta nen ambrassè tut lo ch' fa goi ,
 E nen mesurè 'l vin mach da la ponga ,
 Se un veul nen esse pià parei di foi ;
 Ass perd chi monta an barca su na sponga :
 E prima d'ansnoujesse ant quaich'affè ,
 Venta consultè i vej ch'a la san lunga.
 Na nià d' Galine giovò da mariè ,
 Forssa d' senti vantè 'l marcà , la fera ,
 Son pignatrasse ant lo d' voreje andè :
 A l'han tirà daspart la Masovera ,
 Pregandla ch'ai buteissa ant un cavagn ,
 E ch'ai archapiteissa an quaich manera ;
 Disendie, ch' lour l'avio già i so agn ,
 E ch'a vorio nen diventè pi veje
 Pr vèdsse tanti such sètà su un scagn.
 La Masovera ai dis pr consoleje ,
 Ch'a steisso pur sicure, ch' saba ch' ven
 J'avria portà a Turin pr arcapiteje ;

Ste Poule sentiend lo , senssa di' nen ,
 A couro da la Ciouss.... Mare , arlegreve ,
 Saba Catlina an porta a vive ben.
 Oh fie spensierà ! cosa penseve :
 Apena arrivà là v' sautran a col
 Sinquanta cusinè pr palpegieve ;
 Tocand pr drit , pr stort , e 'l dur e 'l mol ,
 E voi chi se' pitost li polpassue
 A risigo sul coulp d' tajeve 'l col !
 Av piumran tute , e bele patanne
 Av casso ant na marmita , av fan rusti ,
 E voi , mie povre done , i se' forslue !
 A la sità le gent , l'è nen 'l di' ,
 A son così galup d' mangiè d' carnassa ,
 Ch'a treuvo 'l bon e 'l gram tut savuri.
 La povra vaca grisa.... cla mairassa ,
 Ch'i luv sario pignanc andaje antourn ,
 A l'Ospidal han dit , ch'a l'era grassa !
 Guardè !.... mi stessa , mi l'avria pour ,
 Quantunque i sia na Ciouss veja stransia ,
 Che là quaich sour Economo Inspetour
 Am feissa con tut lo passè pr fia.

FAVOLA X.

'L BALON VOLANT E LE GRUE.

Un gros Balon volant, ch' s'era elevà
 An aria con un ton d' magnificenssa,
 Incontra un voli d' Grue pr la stra ;
 Chiel sì, gonfi d' se stess, dla soa presenssa ,
 Pensand d'esse patron dl ciel, di vent ,
 A j'ha ciamaje tute all'ubidienssa ,
 Disendie : E voi chi seve?... e che ardiment
 D'avnine an paradis sèchè la gloria,
 D'andè così spasgiand me appartement ?
 I veui pì nen suffri sta vostra boria ,
 E s' voi pretende ancor d'aussè 'l cachett ,
 Pensè ch'i peuss fiacheve la sicoria.
 Le Grue sentiend lo, piene d' dispett
 A j'han rispost.... E voi che bestia seve ?
 Chi v'ha portave sì, l'elo 'l Foulett ?

Prechè ch' j'aspete ancheui mach a mostreve?

D'allora ch' noi i vnduma su da si,

E pur n'è mai rivane d' incontreve!

(Ai replica 'l Balon) Adess a mi:

Gher, che mi vad a feve na bignëta

Partì, gheusaja, presto, eve capì!

Ma disend lo, s' dëstaca la scionfëta

Dont a j'era 'l feu sout, e 'l gran Balon

A l'è restà rupì giust com n'erbëta.

Sta Faula a veul di' ch'a son d' mincion

Coui tai ch'a son d'subrich e s'levo an aria,

Prechè ch'a son guarnì d' piumë d' pavon;

Venta pensè ch' l vent quaich vota a varia,

E coi ch'a son mac gonfi a forssa d' fum,

S'ai capita na bisa un po contraria,

A perdo 'l feu da sout, e so volum.



FAVOLA XI.

LE TRE VIRTU' A L'OSTARIA DLA PAS.

Avend, com i savì, fait bancarouta,
 Trovandse a mal partì, d' pianta a le grele,
 Con na scudela d' bosch, e con soa bouta
 Andavo tapinànd le doe sorele,
 Cioè la Bona Fede e la Speranssa,
 Vendend j'armanà neuv, le storie bele;
 E pr la pi curiosa circostanssa
 Essend assassinà, strache dal viaggi,
 All'ostaria dla Pas l'han pià na stanssa
 Pr desse un po d' ciadel ai so bagagi,
 E casualment tra lour vnend a dèscoure,
 Esclama la Speranssa.... E'è couragi!
 I spero chi l'avroumo finì d' coure,
 Prechè s' me canocial m'ha nen tradime,
 I sarouma a bon port fra poche ore:
 L'è vera ch' fin adess i son falime,
 E chi l'hai sempre vist d' castei an aria:
 Sorela.... Ma i se' voi ch' j'avì 'ndurmime!

Disend loli, s' presenta con un'aria

Smorta, mesa scarnà, tuta piourousa

Na Dona verament nen ordinaria :

Ma l'era mal fourgià, bruta, scarousa,

E andava borboutand 'l *dies irae*,

Ciamand pr le sîng piaghe un po quai cosa.

Chi seve? (una ai rispond) forse chi vire

'L mond com fouma noi... Da dont avnive?

A smia ch' j'abie mal, e chi sospire!

Am riconossve nen? Prchè stupive?

I son la Carità vostra sorela:

E voi, mie care socur, seve ancor vive?

Di colp j'aitre l'ambrasso pr basela:

E chila a j'ha soggiunt.... O Fije, guardeme,

Guardè ant che stat a venta ch'im rabela!

A j'è pi nen un can ch' veuja alogieme;

Trovandme disperà, son fin andaita

Ciamand ai Ospidai pr ricovreme;

Ma cosa servlo mai! Tant i son staita

Sforssà dal freid, la fam, e la miseria,

A scapè da là drint, sno j'era fatta!

Pr vive così esposta all' intemperia,

Abandonà da tuit, sempre schergnìa,

Sorele, i l'hai-decis d'andè an Siberia.

Eh! bin noi iv farouma compagnia:

E forsi ch'ant coul clima noi trovrouma

An mes a coula gent dura, abrutia,

La pas e coul boncur chi sospirouma.

- FAVOLA XII.

I STRUNEI E I MERLO.

Tre Merlo senssa pnass, mairi e spnici,
 Ch'andavo pr lo mond serchè fortuna
 Prechè ch'a so pajis l'ero sbianchi,
 Viagiand na bela seira al ciair dla luna
 L'han vist su na briccòla un castel vei,
 Ch'era mes ruvinà, seur com na truna.
 A smiava propi fait mach pr j'ousei:
 E casualment anloura ant coui drocheri
 A j'abitava un voli d' Strunei,
 I quai fasìo un tapagi, un armisteri
 Subiand e gasoujand ficà là drint,
 Lontan dai guai, dal mond, dai intemperì;
 Sti Merlo sentiend lo, second so istint,
 Son presentasse là con tola franca,
 Criand antra lor tre, com fusso vint;
 Disend: Noi vnouma adess da Salamanca,
 J'ouma pensà d'fermesse ant vost pajis,
 Pr vende i nost pachet d' magia bianca;

Ma com noi aïtri i souma bon amis ,
 Prechè ch'i nost costum, 'l tap, la lingua,
 A veulo che tra noi vivo indivis,
 Talment, ch'a mala pena pi ass distingua
 Dai unge e dal bech giaun Merlo e Strunel,
 E la rivalità, l'odio s'estingua;
 Così s'j'aveiss bsogn ant vost Castel
 Pr d'roba d'interess, d'economia,
 D'un pian pi rafinà, verament bel,
 Pr deve un contrassegn d' Merlantropia
 I souma sì dispost, fè capital,
 Noi comodrouma tut a maravia.
 Portene piuma, carta e caramal,
 E lassè fè da noi, con dontrè zero
 I liquidrouma i frutti, e 'l capital.
 Dit lo, 'l Strunel pi vej, ch'era un boderò,
 An mes a doui Lachè con d' lanternin
 Ai dis.... Ben arrivà, compare Pero!
 E subit piändie tuti pr n'ongin
 Ai meno a pè sopat ant l'assemblea
 Con j'aitri so Strunei consitadin;
 Disendie: Guardè sì nostra ciambrea,
 I la trouvrè nen vaire d' vostr gust;
 Ma sti temp sì fan strense la courea!
 Noi aïtri iss n'abitouma st castel frust,
 Prechè ch'a l'è lontan d'ogni tapagi,
 E ch' sì vivouma an pas e senssa sust;
 Ma un Merlo a j'ha soggiunt.... a l'è un darinagi!
 Oibò.... soussi l'è gram.... oidè.... maipi:
 Com elo chi v' na stè 'n còust armitagi?

Da noi che diferenssa ! aut che soussi :
 Da noi tut a l'è rich , tut a respira
 La pompa , l'eleganssa , e 'l pur piassi ;
 Da noi le pere a son mole com sira,
 Da noi la mana a pieuv fina sul giouch :
 Da noi le cose a son tut altra mira !
 Voi ait , mia cara gent , se' d' patalouch ,
 A venta deve d'ton , piè d' energia ;
 Guardè , davsìn a noi se' d' barbabouch !
 E l'aut a j'ha rispost.... Ma vussuria,
 Dovria dco insegnene a durvì j'oeui ,
 Mostrandne a riformè nostra famia :
 Ch'a s' buto , e ch'a comensso fin d'ancheui ,
 Ch'a fasso tut second ai taça 'l vèrlo ;
 Leur ait faran da pare e noi da fieui !
 Starouma tuti chiet , gnun farà d' l'èrlo ,
 E nost boneur i spero ch'a sarà
 L'effet dla gran bontà d'lour sgnouri Merlo.
 Senssa che mi lo dia 'un presumrà ,
 Qual a l'è stait 'l frut d' soa bona fede :
 I Merlo han fait i Singher , son scapà ;
 E coula sarà sempre la mercede ,
 Ch'a l'avran i Badola , i Foifotù ;
 Le gent a fan j'amis pr le monede ,
 Ma lo fan mai pr coeur e pr virtù.

A MSSÉ EDOVARD.

Ne sutor ultra crepidam.

STANSSE.

A l'è un proverbi antic, ma tant pi giust,
 Ch'a bsogna ch'ognun fassa so mēstè,
 Ch'j ciavatin tacouno j' savat frust,
 Ch'a fasso offele coui ch'a fan j' offlè,
 Senssa andesse a sērcand d'i crussi, e d' sust
 Ficand 'l so mes sold ant d'aitri affè,
 Prchè a l'è dit ch'a farà mai nen d' ben
 Tutt'om ch'as buta a fè lo ch'a sa nen.
 Ti it ses medich, me car, all'ospidal
 Da lo ch'i en sentì di', Mssé Edovard :
 Massa dunque, o guariss coui ch'a l'han mal
 Con gins d' sicoria, d' barbabouch, o d'card,
 Studia medssina, e lassa la moral*,
 Prchè it podrie pentite un di trop tard
 D'avei ficà to nas, d'este meseià
 Ant j'affè d'j'aitri senssa esse ciamà.

* Si allude alle favole morali scritte dal medico
 Edovardo Calvo.

Cos vasto a rompte j' ciap con j'animai

Ch'a son d' bestie ch'a l'an nen l'us d' rason !

Sonne forse mach coui dl Paraguai

Ch'a parlo, e ch'a pretendo dè d' lession ?

Tuti i pajis a l'han so papagai,

E un sent pur trop sovens le sue cansson ,

E d'gai, e d'berte, e d'can, e d'povre avije

Sna ved a boulichè pi ch' d' furmije.

Coul poui, coul intendent carià d' galon ,

Coul borgno, e le baboje, e coui tavan,

Coule avije, coul bus, e coul zin-zon,

Coule berte, coui gai, coul rabadan,

Coui Pito malcontent, e coul Platon,

Coul tòr, coul oss piantà ant 'l col al can,

Son stait interpretà con na tornura

Ch'a fa argrigné i toson pr la paura.

A j'è stajè li subit certa gent,

Ch'a l'ha sempre pagà mal volontè,

Ch'a l'ha dit ch' coul poui, coul intendent

L'ero 'l ritrat d' coui ch'an ciapo i duè,

As mordrio la lenga an mes ai dent

Sti bourich s'a leseisso un cert papè,

Com j'eu let mi, ch'a preuva all'evidensa

Ch'as paga motbin mane ch'l mond an pensa*.

Coul borgno, e ele baboje ant 'l mojis

A j'an paragonaje ai Piemonteis,

* *Vedi il rapporto del commissaro Hennet fatto al Generale Jourdan sulle contribuzioni del Piemonte, pubblicato colle stampe.*

Ch'a veulo di' ch'a son giamai dèstiss
 A forssa perde d' sangh, e portè d' peis;
 Ma 'l diffet l'è dèl sangh ch' l'è giaun e sliss,
 Nen dle baboje ch'a lo ciucio areis.
 'L rimedi, a l'è vei, l'è un po violent,
 Ma deje temp a na saran content.

A l'han dit ch' j'avije, e i Subalpin
 A l'avio an tra lor d'analogia,
 Quasi com di' l'han fait i barberin
 Lo ch' l'han nen fait i barbari : oh busia !
 Bsogna distingue an tut 'l com e l' fin.
 Confrontè lo ch'ass dà con lo eh'ass pia :
 J'aitri han mangiane, e peui l'han foutù'l can,
 Stissi l'han liberane dai tavan.

J'è staje fin chi s'è 'ncalasse di'
 Ch'i pito e j'Italian l'ero fratei.
 'L mond a l'è pa gnanca ancour finì,
 E a l'ero pa tant pito i nostri vej.
 Le storie a parlo cialr, e forsi un di
 Faran vdde che lor son nen d'osei,
 Ch'a s'anfouto de Platon, e d' quanti ai sia
 Magister, e scoulè d' filosofia.

Ch'ai sia vnuje na berta dal Monsnis
 As peul pa nen ciamè na novità;
 Ansi pr onour e gloria d' nostr pajis
 A bsogna di' ch'ai n'è dco andaine an là;
 Ch' chi cour après d' le berte a resta sbris,
 A l'è na cosa ch' tutt 'l mond sa.
 Dunque 'l tort l'è d' j merlo, a l'è d' j'orieui
 Ch'a l'han couruje après, oh che subieui !

Ant la carcassa d' coul cert tòr rusià
 Dal can a l'han preteis d' vdde Turin;
 Ant coul toc d'oss ch'a j è restà piantà
 Ant 'l col com un stoeh, la mala fin
 Ch'a spetta a coui ch'a l'han assassinà.
 S' la cosa a fus paria a dirio bin,
 Ma bsogna di' ch'a le nen vei, prechè
 A stampo all'incontrari ant i papè.

Guarda li, me car medich, an sostanssa
 Lo ch'a l'han dit d' toe favole i to nimis,
 E se ti i t'ere nen grivoè d' la ganssa,
 A t'arrivavo a còl coui d'j barbis,
 Ch'at brlicavo bele là ant toa stanza;
 E forse at sario vnute i cavei gris,
 Ch'at tacava mai pi sicur 'l gati
 D' stussichè le berte, i poni, e i gri*.
 E quand it fusse stait ant 'l taffus,
 At avria servite niente affait
 'L di' ch'it criticave mac j'abus,
 Nen le prssone com Esop l'ha fait,
 E bin ch'at fussa smiate un po d'angrus,
 A bsognava ste a l'ombra ancor marlait,
 E tut al pi t'avria salva l'onour
 La favola adatà d'l can pitour.

* Il citt. medico Calvo fu accusato d'aver manifestato uno spirito sedizioso nelle sue favole, e perciò fu decretato il suo arresto, da cui si liberò colla fuga di alcuni giorni.

Dunque mi i torno a di' lo ch'i ai già dit ,

Ch'a bsogna ch' ciascun fassa so mestè ,

Prechè seussa d' loli, l'è bel e serit ,

La machina dël mond peul nen andè ;

Andaria pr stort lo ch' va pr drit ,

E lo ch' va dnans un lo trovria darè.

A sria squinternà 'l moral , e 'l fisich ,

A sria ha roba da muri tuit tisich.

Suponte un po pr ipotesi un moment

Ch'ass troveissa ant 'l mond un quaich stat ,

Doe pr disgrassia ai fus sautà 'nt la ment

A dontrè scaussacan , o scanagat ,

Ch'a l'aveisso nen d'bon mac j'ongie , e i dent

D'voreje arvirè 'l mond , e ch'sti mat ,

Pr la virtù de brlich oppur d' brloch ,

A l'aveisso riuissì st proget baroch ,

Ch'a buteisso alla testa a comandè

Un sargent ch'a mneis tuit tambour batan ,

Créeisso general quaich stalè ,

Ministr chi l'ha mai pià la piuma an man ,

Ch'a feisso un ciapaciapa finanssiè ,

E coui ch'jer l'ero medich s' l'indoman

Lassand Galeno , e la farmacopea

Ai toccheissa d' fè d' legi d' la diarea.

Pr l'istessa rason , pr ugual disgrassia

I medich bosarrio la giustissia ;

Com n'avvocat ch'voreissa , *exempli grassia* ,

Fè 'l medich pr ignoranssa , o pr malissia ,

Pr dè un calefacient daria d' cassia ,

D'amer com tossi a chi ha bsogn d'argalissia ;

Ordinria a un mes tisich le copëtte
 Con d' vissicant, e d' lavativ d' brochëtte.
 Ch'an consequenssa d' sto bel travai
 It vëdeisse a tachè i beu dop dël cher,
 J'aso ambastà all'inverss, e chi cavai
 A feisso i carossè stà sul seder,
 Ch'i pess voleisso s'j'erbo com i gaj,
 Ch'as vdeissa i bourich lavè i bizier;
 Ch'ant 'l pajis d' sti bastian contrari
 A fusso fina i gat rusià dai giari.

Disme un po la vrità com at smia,
 Avrjistu nen un poc d' compassion,
 Pr ceul pover pajis qualunque a sia,
 Vittima disgrassià d' tanta ambission,
 Bosarà, desolà da l'anarchia? *
 Esclamristu nen d' co d' tut d' to bon,
 Ch'a fasso offele coui ch'a fan j'offlè,
 Sno la barca dl mond peul nen andè?

Dunque, me car, contente d' co ti
 D'esse ministr d' natura oppur d' la mort,
 S' it veule vive an pas 'l rest d'j to di,
 Prchè s'it ses gavà pr bona sort
 Na vota, un'autra it na gavras pa pi;
 Ch' Natura as lassa nen se tanti tort
 Impunement; sicur a la pagrà
 Chi la insulta, un bel di, cara e salà.
 Dnanss d' finì sta legenda am ven an testa
 Ch' pr dè leugh a gnun a pensè mal,

* Vedi il decreto 12 germinale, anno IX.

A l'è d'l ben chi fassa na protesta :
 Mi i l'ai parlà dla lege an general
 Dla Natura, ma i seu peui deo dla resta ;
 Ch'ogni lege a l'è sempre manco mal
 Sogetta a d'eccession, e un na treuva
 Bele ant l' istess Piemont la pi gran preuva.

'L Piemont a l'è adess, com tutti san,
 'L pajis d' cocagna e dla prosperità,
 Ass podria andè prli con l'or an man,
 Tant son sieure le proprietà.
 Ass rend giustissia *gratis* fin ai can ;
 J' dnè, l'è bele dit, ch'un j'ha a palà.
 A j'è pi gnun impost, gnune angarie,
 J'abus, le prepotensse son finie.

Eppure s'un aveis da giudichè
 Second la lege *ut supra* ch'i disia,
 Ass dovria ben di', 'l Piemont a l'è
 La sede dël disordin, d'anarchia,
 Prechè dj medich a l'è mai stait affè
 La politica, e la diplomassia ;
 E un general famous pr na vittoria
 Da rair d' magistrat l'ha deo la gloria.
 Viva dunque 'l Piemont, viva Giòrdan,
 Ch'a l'ha rendulo tanto fortunà ;
 Viva i tre Carlo, e tutti coui ch'a l'han
 Al nostr comun boneur cooperà.
 Dj so fait, dj so nom a s' n'arcordran
 I fieui di nostri fieui, e soe masnà.
 Ch'a fassa 'l Ciel lo ch' noi podouma nen,
 Ch'ai armerita chial com ass conven.

PETITION D'J CAN.

A L'ECELENSA 'L MINISTR D' LA POLISS.

Ecelessa, illustrissim Sitadin ,
 Cosa j'hanne faje mai i povri can
 Dël circondari, e dla sità d' Turin ,
 Ch'ai veul tuti mort d'ancheu a doman
 Dal pi gross Còrs fin al pi peit Doghin ,
 Sensa gnanca butè un Consideran ,
 Ch'a l'è pr coust, o pr coul autr delit
 Ch'an condana a la mort, e a n'ha proscrit?
 An conclusion i souma tuti uguai ,
 La lege a l'è pr tuit, o tut almanch
 S'a l'è nen a dovria esse parai ,
 L'han dilo i ciarlatan fina sui banch ,
 Ch'a fè giustissia giusta mai e peui mai
 (Seusene s' i parlouma un po trop franch) ,
 Tant ant 'l criminal, ch'ant 'l civil
 As dev condanè gnun sensa sentil.

Ch'a sospenda un moment dunque, Eccelenssa,
 E ch'an lassa parlè prima, e ch'an senta
 Dnans fè esegui coula fatal sentenssa;
 Ch'a lesa i nost papè, e ch'as contenta
 D'esamineje bin, e peuj ch'a penssa
 S'j'ouma tort, o rason caira e patentà,
 E s'a l'è nen, parland con poc rispet,
 Na vera porcaria coul so Decret.
 Tut nostr delit, da lo ch'jouma senti,
 A consist peui, ch'un d' sti di passà
 Un can a la mordù andasand prli
 Un gal ch'a svolastrava ant na contrà.
 Coust gal becofotù, pr nen di' d' pi,
 S'è butasse a criè ch' l'era anrabià;
 Chiel a drittura, prehè a l'era un gal,
 A veul fè un cannicidi universal?
 Già ch'a l'è vera, i lo negouma pa
 (Ch'an casca 'l pnass si diouma la busia),
 Ch'i souma dal pi al mane tuit anrabià;
 Ma a l'è nen nostra rabia *idrofobia*:
 Nostra rabia, pr dila com a va,
 A l'è un mal neuv ch'as dis *gallofobia*,
 Produt da l'odio ch'j'ouma contra i gaj,
 Autor d' nostre miserie, e d' nostri guaj.
 A dev savej ch'i gaj ant nost pajis
 Son sempre stait d'osej d' cativ auguri,
 Ch'a son considerà com d'inimis
 Ant la sità, an campagna, ant i tuguri;
 Guaj dov a fico 'l bec, magari amis,
 A l'han pi gnun riguard, a son d' dluri,

As peul pi nen regnè nè dì, nè neuit,
Fin ch'un i torsa 'l col, e ch'a sio coeuit.

Pr podeje intrè ant ca sti bosaron

Dan da intende ch'a veno pr guarnè,
Ch'a saran vigilant, e ch'l padron
A peul durmì tranquil, e sè i so affè;
Ma guai s'ai cred, e guai s'a fa 'l cojon,
Ch'a s'andreuma un moment, costi sparvè
Ai sauto al col col bec, e ai gavo j'oeui
Senssa misericordia al pare, e ai fieui.

E peui après as buto a sganassè

Com s'a l'aveisso fait quaiè cosa d'bel;
Di' un po ch'un as voreis mae lamentè?
Anlora sì ch'a fan un bel ciadel;
Anlora as parla subit d'amassè,
E pr torment maggior, e pi crudel
Pretendo ch'ai dijo ancor bin obligà
D'aveive gavà j'eui, e assassinà.

Noi atri chi l'avouma pr natura

L'istint d'esse fedel a chi 'n dà d' pan,
I lassouma, Ecelenssa, ch'as figura
S'i podouma suffri (bin chi sio d' can)
N'ingiustizia tant neira, e tanto dura,
Da d'foutù gaj ch'a veno da lontan
Mairi, splufri e tuit pien d'prpoja
Pr vnì a robè, e comandè a Turin.

J' dirouma nen aut ch' sti baloss

Dop d'aveje mangià e 'l bon e 'l mej,
Dop d'aveje robà, ma giù all'ingress,
Tute le provision e 'l fondo vej,

A pretendo pr lour fin coui quatr oss
 Dscarnà, dspolpà, ch'a smio giust d' rastei ,
 E ch'a son sempre stait, com a saran ,
 Fin ch' mond sarà mond , roba d' j can .

Son nen content d'avejne pià la pel ,
 Mangià le carn , e 'l coeur , la fricassà ,
 D'avejne ciuccià 'l sang , j'eu , e 'l servel ,
 D'avejne sciampairà fin fora d' ca ,
 E avejne robà 'l pan , butà a rabel
 Pi dlo ch'a fusso lor dnanss d' vni an sa ,
 Ch'a veulo sta gineuria malandrina
 Fin piene j'oss pr fene d' geladina .

La passienssa a va bin fin a na mira ,
 As seufr fin ch'as peul , ma al fin di fin ,
 Dis 'l proverbi , a scianca chi trop tira :
 J'ouma fait i nostri cont , e pensà bin ,
 Ch' pr mourì a peit feu , rusià da l'ira
 Pes chi sciav ant le man d' j Tunisin ,
 A l'era mei vireje un poc i dent ,
 Posto c'un dev murì , murì content .

Chi l'a sèrcane i prim , a son stait lor ,
 Noi aïtri senssa lor stasìo tant bin !
 A pena a son ficasse sti impostor
 A n'è tocanè d' fè la mala fin :
 Lor pretendo la vita , i dnè , e l'onor ;
 Dunque , a dije so nom , son d'assassin ,
 E a mostra 'l drit d' natura , e coul d'le gent ,
 S'un a t' veul morde ti , ti virie i dent .
 Noi j'ouma dit : adess a toca a voi
 A decide la cosa imparsialment ,

A giudichè chi abbia rason d'j doi,
 O i povri can, o i gaj impertinent,
 E s' coula arseta ch'i avì fait pr noi
 A conven nen a lor pi giustament,
 E s' pr finì ant na vota tuti i guaj
 Saria nen mei tirè 'l col a tuti i gaj.
 Ma noi aitr' i ciamouma pa nen tant,
 I souma pi discret d' motobin;
 Ch'a ciapo mac so cul con le doe man,
 Ch' vado al diavo lor, e i so prpojn,
 E ch'as fermo mai pi fin ca saran
 Tant lontan com adess a son d'avsin;
 Ma loli va fait subit, e i giurouma,
 Basta mac ch'as na vado, ij perdonouma.
 Ma se mai a pretendejsso ancora d' stè,
 A l'avran mai pi pas su nostra tera,
 S'i veule, i se' padron d' fene massè,
 I murirouma, ma a sarà mai vera
 Ch'i meuiro da poltron: tutt'un a l'è,
 Murirouma glorios fasend la guera,
 E guera a mort; levevlo pur dan testa,
 Ch'a massrà ancor so ninis l'ultim ch'ai resta.

*Vedi il decreto del commissario di Pulizia in
 data delli 20 termidoro, anno XII (luglio 1805).*

Proprium erat Doctoris Physici Calvi Taurinensis
 Auriculas teneras mordaci radere vero.

ODI
SU LA VITA D' CAMPAGNA
E
D' SITA'.

SU LA VITA

D' CAMPAGNA.

ODE

D' CALVI.

1.

Com l'è mai lepida ,
L'è mai bagiana
L'idea ch'a stussica
La rassa umana ,
Ch'ant le Metropoli
Dov le gent vivo ,
Sussuro e bùlico
Parei di Givo ,
Coula sia l'unica ,
La mei manera
D' vive ans la tera !

SU LA VITA

D' SITA'.

ODE

D' PRUNET.

i.

Com l'è bisbetica ,
Com l'è mai drola
L'idea ch'a domina
Certi badola ,
Ch'ant le vilotole ,
Doa ass fa na vita
Gofa e paletica
Parei d' j'armita ,
Là sol ass vegeta ,
La mac ass goda
Ant la mei moda !

2.

Prechè ch' là ass pratica
 D' gran personagi ,
 J'è d' ca magnifiche ,
 D' bei echipagi ,
 D' bouteghe splendide ,
 D' gran eleganssa ,
 D' Magister d' Musica ,
 Di Metre d' Danssa ;
 L'è pien d'Orefici ,
 D' mestè ch' frastorno ,
 D' soldà ch' tambourno !

3.

Ela pur l'ultima
 Pi gran arsourssa
 Portè con enfasi
 La spa e la bourssa ?
 L'avei dla sipria ,
 D' vistì ch'a luso ,
 Tratè d' bellissime
 Ch' s'impiastro 'l muso :
 Vive da machina ,
 Sciav di caprissi ,
 Di pègiudissi ?

2.

Perchè ch' là ass trafiga
 Con d' teste dure ,
 S' ved dle ca semplici ,
 Gnune viture ,
 D' bouteghe topiche ,
 Nen d' simetria ,
 Là j'è nen d' musica ,
 Nè un bal ch'arvia ;
 J'è nssun Orefici ,
 Gnun mestè an moto ,
 Nè d' soldà ch' troto !

3.

Elo na massima
 Tant d'importanssa
 L'esse misantropo
 Senssa eleganssa ?
 » D' lassè la sipria ,
 » J'abit ch'a luso ,
 Pr d' founne rustiche
 Cuverte d' ruso :
 Vive da tapari
 Sciav d'un idea
 Così plebea ?

4.

Cos mai signifiene
 Tante fandonie ,
 Tichette , regole ,
 E sirimonie ;
 Tute cle visite
 Pr conveniensa ,
 Smorfie ridicole
 Faite an cadensa :
 Sechesse all'Opera ,
 A la Comedia
 Muri d'inedia ?

5.

Par coust' immagine
 Forma la soula
 Beatitudine
 Ch'a meuv la goula
 Dle gent pi comode ,
 Pi colte e sode ,
 Ch'a meuiro martire
 Senssa mai gode
 Nè dl'aria libera ,
 Nè dla verdura ,
 Nè i don d' natura.

4.

Sonne nen lepidè
 Cle fiere usanse
 Dl Cinic Diogene ,
 Cle mal creanse
 D' mai vède n'anima
 Senssa interesse ,
 Nen descomponise ,
 Mai inchinesse ;
 Aborì l'Opera ,
 Tut'i spettacol ,
 Pr fè l'ouracol ?

5.

Pur j'è chi s'augura
 D' vive sta vita ,
 S' treuva chi specula
 D' meure trapita :
 J'è d' gent richissime ,
 D' persone dote ,
 Ch van a nascondise
 Com le marmote ,
 Ch' san gnane pi l'epoca
 O 'l dì ch'a vivo ,
 Nè i cas ch'arrivo.

6.

Coui di ch'a m' limita
 'L destin ancora,
 Poudeissne gòdëmie
 Fin l'ultim'ora
 Com i desidero,
 A na campagna,
 Lesend me Seneca
 Sout na castagna,
 Sentiend le Lodole,
 J'ousei ch' tripùdio
 Mentre ch'i studio !

7.

Che vita placida,
 Contenta e chieta
 Pr l'om ch'a medita,
 Pr chi s' dileta
 Di piasì semplici,
 D' na sort onesta,
 Ch' veul vive, e s' evita
 Lo ch' lo molesta;
 Che vita angelica . . .
 Che sort fiouria . . .
 Pr mi a sarìa ! . . .

6.

Fin ch' j'eu sta fisica
 Povra esistenssa,
 Mi m' la veui godëmla
 Con diligenssa,
 Com i la giudico,
 'Nt le sità industri,
 Lesendme j'opere
 D'j'autor illustri,
 Scoutand le dispute
 Di dot ch'a sciairo,
 Fin tant ch'i paio.

7.

Che vita angelica,
 Contenta e vaga
 Pr l'om ch'a s'applica,
 Pr coul ch'a indaga
 Le sode pratiche
 Dla gent attiva,
 Ch' veul gode, e medita
 S' lo ch' lo ravniva;
 Pr mi delibero
 Su le attrative
 De sto bel vive!

8.

Così m'acàpitlo
 Ch'i veui nen lese,
 Ciapo na gorbina,
 Vad pr cerese,
 Vad serchè d'ampoule,
 D' nespo, d' griote;
 Smeno d' tartifoule,
 Pianto d' carote;
 J'ento dle màndole,
 Vad pouè la vigna:
 E chi s' n'ambrigna.

9.

S' loli am nausea,
 Che l'estro am passa,
 Me can am seguita,
 Scurto a la cassa:
 Vad pr le gerbole
 Sniciand le tane,
 O ch'im industrio
 Pr ciapè d' Rane;
 Tendo dle trapole,
 Dj lass, dj arssic,
 Loli m' fa rie.

8.

S' la ment s' intorbida ,
 Ch' le studi 'm sēcca ,
 J'è 'l truc ch'a m'incita ,
 Dovro la stēcca ;
 Bagat m' stussica
 N'autra partia ;
 Vad a na musica ,
 Treuv d' compania :
 Pr ultim analisi
 J'è na pitura ,
 S' ved na scultura.

9.

S' j'eu d'aut ch'am bustica
 Cambii dē scorta ;
 Serch l'aria libera ,
 Vad fora d' porta :
 J'eu 'a bocc ch'ass agita
 D' mille manere ,
 Fa l bagn , s'arviscoula ,
 Peui gava d' pere ;
 Chiel cour e s'anima :
 Taca na rusa ;
 Loli m'amusa.

10.

Oppur i m'occupo
 Crousiand le rasse,
 Fass cantè d' Passare,
 Parlè d'Aiasse :
 J'anlevo e pròpago
 Diverse bestie ,
 D' Colomb e d' Tortore ,
 D'Anie domestie ,
 Dle Crave d'Angola ,
 D' Galine Indiane ,
 D'Oche Mantouane.

11.

J'erbe specifiche
 Pr coui ch'a s' tajo ,
 Coui ch' l'han la colica ,
 Le frev ch'i tnajo ;
 Pr coui dle scrofole ,
 Coui ch' son brusasse ,
 Le founne isteriche ,
 Pr le scarvasse ,
 Pr fè dl balsamo
 Mi ste erbe i choeujo
 Quand i m' aneujo.

10.

O ch'i m'approssimo
 D'javis ch'ass taco ,
 J'entro all'esamina;
 E fra i miraco ,
 Vëdo d' fenomeni
 D' varia natura ,
 D'osei, d' quadrupedi
 D'ogni figura ;
 Osservo d' macchine
 Souens ingegnose ,
 D' forse curiose.

11.

Oltre la serie
 Dle cose scorse ,
 S' le piante m'occupo ,
 J'eu d' bele arorse ;
 Là ant le botaniche
 I viaggio a la China
 Tra j'erbe celebri
 Dla medicina ;
 Conoss l'origine
 Dle spessie fine
 D' nostre cuisine.

12.

Se 'l temp s'intorbida
 Ch'ass buta a picuve,
 Treuvo an meccanica
 D'j arsoursse neuve;
 M'angigno, i sabbrico
 D'jatrass d' campagna,
 Mila giargiatole,
 D' gabion d' cavagua;
 Turnisso d' sotole,
 Fass dle ghingaje
 Pr le maraje.

13.

Ma quand s'approssima
 La stagion bela,
 Quand la canicola
 Cheus la servela;
 Oppure all'epoca
 Ch'ass fa 'l vendummie,
 Cantand an musica,
 Ciapand dle summie
 Con la combricola
 Dla gent dla sapa,
 L'è un stè da Papa!

12.

Se 'l temp s'annivola,
 Sa ven guastesse,
 J'è peu an meccanica
 Dco d'amusesse
 Ant le Metropoli
 Con avantage,
 Tratand j'artefici
 Ch'a l'han d'usage,
 Trouvand all'impeto
 'Nt un'ocorensa
 J'ordegn d'urgenssa.

13.

Quand a predomina
 'L Sol su la tera,
 Ch'l caud incomoda
 Nostr'emisfera,
 Al fresch dle publiche
 Ombre d' verdura,
 Ligà con d'esseri
 Ch'a l'han d' coltura,
 S' fa dle magnifiche
 Bele partie
 Ch'a invito a rie.

14.

Tuti *alegrociler*
 Con soa botelia ,
 Destiand la canova ,
 Sfoujand la melia ,
 Con nostra tavola
 Sout na nosera ,
 Le founne e j'omini
 Setà pr tera ,
 Contand dle frottole ,
 Mangiand d'salada ,
 S' fa la balada.

15.

Li peui se ass capita
 D'apress dla sina
 Quaieun ch'a bustica
 'N violin , na erina :
 An mes dla ciulica
 Con cle matote
 Leste com d'Rondole ,
 Ch' fan virè 'l cote ,
 L'è propi un godise
 Balene un paira
 Li bele ant l'aira !

14.

Tuti d'un'indole
 Pr divaghesse ,
 S' propon le trifoule ,
 S' van a mangesse ,
 Con dle belissime
 Ch abbrevio l'oure ,
 D'autre ch'ass modero
 Pr fesse coure ;
 Svoidand peui l'amoule ,
 S' parla an poesia ,
 S' god l'allegria.

15.

S' le seire anticipo ,
 Ch'ai sia chi bala ,
 Mac con un organo
 Pr li ant quaich sala ,
 S' ved già dle motrie
 Ch'a 'nparadiso ,
 Sautand an regola
 Mentre ch'a friso ,
 Ch'a amuso j'omini ,
 Serco d' piasie
 Con dle foulie.

16.

Nissun s'immagina ,
 Gnun peul describe
 Quant mai a giubila
 L'om ch'a sa vive
 An solitudine
 Su na bricòla
 Con la gent rustica ,
 Con di badòla ,
 Ch'a studia e s'occupa
 D' lo ch'ai peul rende
 Senssa dipende !

17.

Lassand le massime
 Dle Sità grande ,
 Chiel va con d' soccole ,
 Seurt an mudande ;
 Mai nen l'intorbida ,
 Gnun Comissari ,
 Gnun rompa scatole ,
 Gnun sour Vicari ,
 Gnun dla Statistica ,
 Gnun d' coui dle Boule
 J' sècco le mioule.

16.

Chi mai determina,
 Chi peul prescrive
 L'aura benefica
 D'om ch'a sa vive
 La vita energica
 D'j leugh notabil,
 Con d' teste d'ordine,
 D' soget trattabil,
 Ch'ass buta an cariga,
 Fa so interesse
 Senssa abassesse !

17.

Lassand ch'i satrapi
 Trascuro 'l mode,
 Chiel vest con enfasi,
 Procura d' gode :
 Mai niente l'àltera,
 » Gnun Comissari,
 » Gnun dla Statistica,
 » Gnun sour Vicari ;
 Dossil al codice,
 Pagand soa taja,
 Pi gnun lo tnaja.

18.

Così chiel èvita
 D' sentì 'l ciapètte
 Dle gent politiche,
 D' coui dle gasètte;
 Ved gnun Ippoerita
 Da doui carater,
 Gnun d' coui tai esseri
 Ch'a mastio d' Pater,
 Ch'a dovro d' sillabe
 Sucrà, turnie,
 Peui son d' Arpie.

19.

Tranquil ant l' anima
 Chiel va congiesse;
 S'arvoita e sgambita,
 Peui torna a lvesse:
 Mangia doui seleri
 Con quaich facenda,
 Peui disna e replica
 'N bocon d' marena,
 E intant a vegeta,
 Sna fa na vita
 Da ver Armita.

48.

Sà 'l cas j'accapita ,
 Ch'ai riva d' sente
 Su la politica
 D' gare insolente ;
 Sa ved dle mamole
 Rampè con d' vissi ,
 D' perfid ipocrita
 Pien d'artifissi ,
 Chiel ass dissimula ,
 Cassa ste plisse
 Pr divertisse.

49.

Content ch'a giubila
 Chiel va arposesse ;
 Deurm in Apolline ,
 Stenta dësvisse :
 Ciamà quaich' bostica
 S' l'aptit lo tenta ,
 Peui mangia a tavola
 Lo ch'ass inventa ,
 Fratant a prospera ,
 Viv con coul briò
 Ch'i sens consio.

20.

Oh ! voi chi strepitate
Pr trovè d' gloria ;
Voi ait chi v' lambiche
D' vive ant l'istoria ;
E voi chi giudiche
Ch' le Sità a sio
Un ver *emporeo* ,
'L pajis d'Iddio ,
Sì , voi rispondime ,
S' l'è nen mei vive
Com i l'hai dive ?

20.

Voi ait chi fabbriche
Vost ni 'nt na bouta ;
Voi ait chi v'occupe
D' sta condouta ;
Voi ait chi v' releghi
'Nt una campagna ,
Chi fè d' j'antipodi
'N pajis d' coucagna ,
Adess difendive ,
Sno di' chi stime
Ste dontrè rime.

INDICE.

Introduzione	pag. 3
FAULA I. <i>L'Intendent e 'l Pouj</i>	7
» II. <i>Le Sanssue e 'l Borgno</i>	10
» III. <i>Platon e i Pilo</i>	13
» IV. <i>I Scalavron e j' Avije</i>	17
» V. <i>La Passra solitaria e la Berta</i>	20
» VI. <i>'L Can e l'Oss</i>	23
» VII. <i>Le Pecore e 'l Pastour</i>	25
» VIII. <i>La Spa e la Lumassa rabloira</i>	27
» IX. <i>La Ciouss e le Poule</i>	28
» X. <i>'L Balon volant e le Grue</i>	30
» XI. <i>Le tre Virtù a l'ostaria dla Pas</i>	32
» XII. <i>I Strunci e i Merlo</i>	34
<i>Stansse a Mssè Edovard</i>	37
<i>Petission d'j Can</i>	41
<i>Ode d' Calvi sla vita d' Campagna</i>	50
» <i>d' Prunet sla vita d' Sità.</i>	51

